



Ndaartude Yurmeende



Faatima ina wonnoo kapum tan jande Juulde Taaske, ngool gongol makko kanke tan takii no mo yeeweede. Mbela ko kanke jeynoo sabaabu ndeen yeeweende makko?

Faatima siftoriino no o dukdirnoo e baaba makko haa wuli jaw sabaabu nde yidde mo resondirde e Ahmed. Ko o suka tokooso o wonnoo o naatani yidde. Hol no baaba makko wi'irata ala? Nde o doki nde o resondiroyi e Ahmed, baaba makko wi'i mo woto o naattu galle makko.

O sikki maa o waaw roondaade gacce de sabaabu nde jidgol makko Ahmed. Kono booyaani tan, o anndi ko baaba makko wonnoo e goonga. Ahmed wonaano oon gorko mo o sikkatnoo o yidi o. Oon seeri mo resoyi debbo goddo.

Faatima hebi gacce mawde. O yenanaa o hawrii e jaawoore, omo yobee golle makko. O faami ko jaawoore firti tigi rigi. Kono noon eskey, bernde makko ina muuyanoo yurmeende!

Jom Moyyere e Jom Yurmeende o

Tawi ko en goongiyante en, maa en njaɓ enen fof en mbaɗii goofi tee en ɗungiima sawtowol haqqilantaagu. En toopii wofɓe.

Wobbe toojii en. Renndooji men tafiraa ko yimbe wadoobe goofi. Tee ina sadi njaafondiren njaafoden koye men!

Mbela yurmeende ngam goofi men ina woodi?

Miiho laabi no poti ndeftudaa e diidoo konnguli “bismillah Al-Rahman Al-Raheem”—“e innde Geno, Jom Yurmeende, Jom Moyyere.” E ko taki yurmeende wonde huunde heeriinde?

Ina waawi tawa renndooji men—e berde men tigi—ina cokli yurmeende no feewi.

Yurmeende: Laawol Bural

Duubi seeda caggal, gorko gooto biyetenoodo Abdul-Rahman habi e koddiiho mum gooto biyetenoodo Kareem, o wari dum. Nguurndam waklii e dii galleeji didi gondi e ngoo wuro tokooso to leydi Misira. Koreeji Kareem ina njiilotonoo yoftaade, kono koreeji Abdul-Rahman, wondude e kulol, ina etotonoo reende mo. Abdul-Rahman yidaano be njoftondira ko gasataa. O naamnii mawbe wuro yoo mbaajo mo heen, been mbi'i mo yo o wad aada mabbe ko fayti e kasanke maaydo.

Abdul-Rahman soodi kasanke mum daneejo o fawi heen labi. O yehi to jeere to o hawroyi

e koreeji Kareem, wuro ngoo fof woni e yeebde mo. Abdul-Rahman dicci koppi e yeeso Habib, mawniraado walla mipiraado baraado o, o totti dum kasanke o e labi ki. O jaagii yurmeende e kawrital.

O subii maayde ngam timminde ko sariya o naamnii ko e peewal

Habib fawi labi ki e goddol Abdul-Rahman. Yimbe wuro ngo ngaddi mbortu, Habib noon ina foti subaade ko foti wadde doon: yurmeende, walla joftagol? Nde o fawi labi ki e goddol Abdul-Rahman, baɗe makko pirti ko dum doo, “jooni haɗani e njiimaandi am. Gite fof ina tiimi e dum; gooto fof ina anndi mbedafa jogii laawol warde ma e baawɗe wadde dum. Kono mi subiima yurmeende e kawrital. Maa mi haadnu do dufgol yiiyam.”

O runkitii Abdul-Rahman o jaggi mbortu o, o hirsi mo. Nde mbortu o yari mette de, sekre nde, te timmini jaawoore nde, Habib fiilii e Abdul-Rahman, uurnii dum. Jam arti hakkunde ɗii galleeji ɗiɗi.

So tawii innam aadee en mbaawii yiitude laawol no kawradiniri peewal e yurmeende, e goonga, Geno ina waawi wadde hono noon!

Yeesu Almasiihu: Yurmeende ummiinde to Geno

Hol do mbaawden janngude ko fayti e Yurmeende Geno? Ko huunde weebnde. Ina waawi tawa on meedii nande ina wiye Yeesu Almasiihu o (homo wiye kadi Iisaa Almasiihu) woni “Yurmeende” ummoriinde to Geno. Duum firtata ko kanke tigi woni boorniido Yurmeende timmunde. Laawol Makko—ko o janngini ko e nder Kabaaru Moyyo o, ganndiraado o Injeel—duum woni laawol yaafuya e kawrital.

Yeesu Almasiihu ina waawi timminde ngaal gollal keeringal sabu kanke gooto bajjo Geno neli mo meedaa bakkodin. Kala annabi e nulaado nulanoodo ina cokolunoo yaafeede bakkatuuji mum’en, haa heddii Yeesu Almasiihu. O safano o nawaa dow asamaan. O soklaano fadde Nalawma Naawoore sabu o meedaa bakkodin hay gootol—hay bakkaat burdo o famfude o meedaa wad.

Sabaabu nde duum doon o wiya Yurmeende ummiinde to Geno. O rokki en yeru yurmeende seniinde tee o janngini en hol no kebirten yurmeende Geno.

Hol no Yeesu Almasiihu o Waawata Wallirde Mi?

Ina winndaa Yahya Baptisoowo o sooyinii Yeesu Almasiihu o e nder diddal manngal, e lonnginoore ummoriinde to Geno, o wulli daande dow o wi'i, "Yeewee! Jawgel Geno momtowel bakkaat aduna ngel nana!" (Kabaaru Moyyo o, Yuhanna 1: 29) Yeesu Almasiihu o way ko no mbortu perdo o laawol kawrital Abdul-Rahman ngol.

So en pawaama kuugal ngam goofi men, duum woni peewal. Kono Yeesu Almasiihu o, mo meedaa bakkodinde o, subii lomtaade en, yetti goofi men. Alaa fof bittindo mo haa o wadi dum alaa e sago. O subii maayde ngam timminde ko sariya o naamnii ko e peewal. Kanke wonnoo gooto bajjo meeddo wuurde bakkodinaani, kono o jabi wadeede no mbortu o nih e ciimtol Abdul-Rahman ngol. Ko duum wadi, caggal nde o leeptaa sabaabu nde men, Geno safi mo nawi mo dow asamaan.

Ina waawi tawa hada wondi e cadeele e nguurndam ma. Walla mbaydaa ko no Faatima nih, mo be o horsinnoo be ndiiwi o. Walla tawa won baddo ma ko muusi, walla nih tawa ndimaagu maa tunwinaama. Walla tawa kadi mbaydaa ko no Abdul-Rahman nih,

hada mimsi kadi hada wondi e kulol yoftagol.

Yeesu Almasiihu o ina waawi wallude. Hada waawi wadde jaagungal dabbal hono nih:

Eeheey maa Joomiraado, mi meedataa waawde yobde ngam bakkatuuji am. Kono mbeda anndi ko aan neli Yeesu Almasiihu o hono no Yurmeende fayde e amen. Mbeda jaagi maa yaafuya sabaabu nde golle moyye de o wadani innam aade en fof. Wallu am mi faama laawol Yeesu Almasiihu ngol mbela mbeda waawa hebde yurmeende maada e nguurdam am. Aamiin.

So a yidii hebde deftere Kabaaru Moyyo nde, jokkondir e amen e tonngoode winndaande nde e caggal oodoo kaayit.

Copyright @ 2023 by Sharing Hope Publications. Dee golle ina mbaawi fecceede e wobbé tawa wonaa e coggu hay so alaa yamiroore.

Binndi di ittaa ko e deftere Pulaar wiyeteende AADI KESO, nde Alliance Biblique au Senegal jaayni, te rokkiri yamiroore yo nde huutore.

Jan̄de Wonnde



Yettu natal jelde QR ngal ngam
beydude ganndal.

